

**ՀԱՅ ՌԻՍԱՆՈՂՈՒԹՅԱՆ ՆՅՈՒԹԱԿԱՆ ՎԻՃԱԿԸ ՈՒ ՄԻՋՈՑՆԵՐԸ
ՄՈՍԿՎԱՅԻ ԵՎ ՊԵՏԵՐԲՈՒՐԳԻ ՀԱՄԱԼՍԱՐԱՆՆԵՐՈՒՄ
(XIX դարի երկրորդ կես)**

Ր. Բ. ՄԱՆՈՒԿՅԱՆ

XIX դարի 30-ական թվականներին սկիզբ է առնում հայ-ռուսական մշակութային առնչությունների մի նոր ձև, երբ Ռուսաստանի բարձրագույն ուսումնական հաստատությունները կարճ ժամանակամիջոցում դառնում են հայ մտավորականության պատրաստման հիմնական դարբնոցներ։ Այդ գործում նկատելի ավանդ ունենին հատկապես Մոսկվայի և Պետերբուրգի համալսարանները։ Հայ երիտասարդության հոսքը Ռուսաստանի, մասնավորապես Մոսկվայի և Պետերբուրգի համալսարաններ ուժեղացավ XIX դ. 50—60-ական թվականներին (40—45 հայ ուսանող) և իր բարձրակետին հասավ դարավերջին, երբ ամենասեղմ հաշվարկով Մոսկվայի և Պետերբուրգի համալսարաններում ուսանում էին շուրջ 180—200 հայ երիտասարդներ¹։ Դա առաջին հերթին կապված էր հայ իրականության մեջ կապիտալիստական արտադրահարաբերությունների քայլ առ քայլ ուժեղացման, բուրժուական ազգի ձևավորման, նրա ազգային ինքնագիտակցության և մշակութային զարթոնքի պրոցեսի հետ։

Սակայն հարկ է նշել, որ քննության առնվող ժամանակաշրջանի բոլոր հատվածներում, բացառությամբ երեկ 50-ական թվականների, հայ ուսանողության թիվը կարող էր ավելի մեծ լինել, եթե հայ ուսանողության քանակական աճի ճանապարհին չլինեին մի շարք էական դժվարություններ, որոնք պայմանականորեն կարելի է բաժանել երեք խմբի՝ 1. վարչական, 2. կլիմայական և 3. նյութական։ Առաջին երկուսը սույն հոդվածի շրջանակներից դուրս են, որի պատճառով դրանց շնորհիվ անդրադառնում, մասնավորապես, որ ո՛չ կլիմայական պայմանները և ո՛չ էլ ընդունելության որոշ տարիների սահմանափակումը չեն հղի հայ ուսանողության թվի ավելացումն արգելակող կամ էլ ուսումնառությունը կիսատ թողնելու հիմնական պատճառ։ Արխիվային վավերագրերի և ժամանակի մամուլի ուսումնասիրությունը ցույց է տալիս, որ նախասովետական շրջանի ինչպես հայ, այնպես էլ այլ ազգերի պատկանող երիտասարդության ճնշող մեծամասնությունը համար համալսարանական կրթության ճանապարհին ամենամեծ խոչընդոտ նյութական միջոցների հայթայթման պրոբլեմն էր։

Քննության առնվող ժամանակաշրջանում ուսման վարձի կտրուկ ավելացումը (մայրաքաղաքային համալսարանների ամեն մի ուսանողի համար 1863 թ.² 50 ռ., 1884 թ. համալսարանական կանոնադրությամբ՝ 100 ռ.)։ Ընդ որում այս գումարին պետք է ավելացնել տարեկան առնվազն ևս 200—250 ռ., որ անհրաժեշտ էր ուսանողի կյանքի և կենցաղային ամենահամեստ պահանջները հոգալու համար։ Նշված կանոնադրությունը չունեւոր ընտանիքներից ելած շատ ու շատ պատանիների առջև փակեց համալսարանների դռները, միաժամանակ խիստ դժվարացնելով նաև արդեն ընդունված շատ ուսանողների հետագա ուսումնառությունը։ Ցարական կառավարության այս քաղաքականությունը հետապնդում էր ավելի շատ դասակարգային, քան ֆինանսական նպատակներ։ Այն դիպուկ է բնութագրել Մոսկվայի համալսարանի սան, ապառաջում բոցաջուռ հեղափոխական Ս. Սպանդարյանը։ «Բարձրագույն կրթությունը,— գրել է նա,— մեզ մոտ թանկ է և անհասանելի, գլխավորապես ժողովրդական լուսավորության միևնույնության բազմապատկերյալ հետևանքով, որն իր առջև խնդիր դրեց կրճատել լուսավորության բարձրագույն օջախներում ռեպրեսիաների որդիների մուտքը»³։ «Ինչպես և ինչով է ապրում ուսանողության վիթխարի մեծամասնությունը,— նշում էր Ն. Զեռնիշևսկին,— միայն աստծուն է հայտնի, իսկ մարդկանց համար անըմբռնելի է»³։ Բժիշկ Դ. Նիկոլսկին, որը ուսումնասիրել էր 70-ական

¹ Հայ ուսանողության թվական, սոցիալական և ռեգիոնալ կազմի մասին մանրամասն տե՛ս Ր. Մանուկյան, Մոսկվայի և Պետերբուրգի համալսարանների հայ ուսանողությունը XIX դարի II կեսին (թվային, սոցիալական և ռեգիոնալ կազմը), (ՀՍՍՀ ԳԱ Երևանի հասարակական գիտություններ, 1988 թ. 1, էջ 11—18)։

² С. Спандарян, Статьи, письма, документы, Ереван, 1940, с. 166.

³ Н. Т. Чернышевский, Что делать? М., 1963, с. 86.

թվականների ուսանողության քնակարգության պայմաններն ու սննդի վիճակը, ցավով գրել է: Շեքերմաստիճանը ձմռանը նրանց սենյակներում շի անցնում 4—5°-ից, դրանցում ցուրտ է, մութ և խոնավ, այդ պայմաններում ապրում է ուսանողության մեծ մասը: Նրանք մի քիչ քաղցած են ճաշից հետո, իսկ մնացած ժամանակ պարզապես սոված են⁴:

Ուսանողության նյութական թշվառ դրությունը քաշ հայտնի էր ինչպես ռուս, այնպես էլ հայ հասարակությանը: Ժամանակի հայ լիրերալ մամուլը բազմիցս անդրադարձել է այդ հարցին, միաժամանակ կոչ անելով օգնության ձեռք մեկնել կարիքավոր հայ ուսանողներին: «Մշակն», օրինակ, գրում էր. «Այն, որ մեր ուսանողության 90 % -ը կարիքավորներ են, և որ նրանցից շատերը այդ կարիքի հետևանքով ենթարկվում են մահացու հիվանդությունների, իսկ շատերն էլ նույն պատճառով կիսատ են թողնում ուսումնառությունը, հազար անգամ ասված և հազար անգամ կրկնված հին ճշմարտություն է»:

Այդ ճշմարտությունը հաստատում են պահպանված արխիվային փաստաթղթերը: Հայ ուսանողների համարյա յուրաքանչյուր անձնական գործում գտնում ենք բազմաթիվ դիմումներ՝ ուսման վարձից ազատելու կամ էլ նպաստ նշանակելու խնդրանքներով: Խիստ առատ են նաև այսպես կոչված «աղքատության վկայականները»: Այսպես, 1873 թ. Պեներբուրգի համալսարանի իրավաբանական ֆակուլտետից ուսման վարձը լուծելու համար հեռացվում է Աստրախանի բնակիչ, կոլեդիական քարտուղարի որդի Կարապետ էդիլխանյանը⁵: Նույն ֆակուլտետի մեկ այլ ուսանող՝ Գարրիել Տեր-Ստեփանյանը, ռեկտորին է դիմում ուսման վարձից ազատվելու և նպաստ ստանալու խնդրանքով ու ներկայացնում է աղքատության վկայական, որտեղ ասված է. «Գորիի բնակիչ հանգուցյալ Տիտուլյար խորհրդական Տեր-Ստեփանյանի այրին բացի տեղից, որում ապրում են նաև ամուսնու երկու եղբայրները, և փոքրիկ այգուց, որը լավ բերքի տեղում կարող է տալ 200 ռ. եկամուտ, այլ միջոցներ չունի և, իրոք, չի կարող մուծել որդու համար 50 ռուբլի ուսման վարձը»:

Նյութական դժվարությունները հաճախ փակում էին հիրավի տաղանդալատ երիտասարդների առաջընթացի ճանապարհը: Բնութագրական է Մոսկվայի համալսարանի ֆիզիկամաթեմատիկական ֆակուլտետից Պետերբուրգի համալսարանի իրավաբանական ֆակուլտետ տեղափոխված Արշակ Դավիդովի օրինակը: Սերված լինելով Սոֆիա քաղաքի ավագ սպայի ընտանիքից՝ նա ոսկե մեդալով ավարտում է Քիֆիսի գիմնազիան, ընդունվում է Մոսկվայի, ապա փոխադրվում Պետերբուրգի համալսարան, որ և ցուցաբերելով փայլուն ընդունակություններ՝ առաջին շորս քննաշրջաններն ավարտում է միայն գերազանց շնահատականերով: Սակայն գրկվելով հորից՝ ստիպված է լինում դիմել ռեկտորին հետևյալ խնդրագրով. «Կյանքն ինձ համար դարձել է անտանելի: Զրկված եմ գոյության բոլոր միջոցներից, խոնարհաբար խնդրում եմ Ձեր գերազանցությանը նյութական օժանդակություն ցույց տալու մասին, որն ինձ հնարավորություն կտա շարունակելու ուսումնառությունս»:

Կից ներկայացված է աղքատության վկայականը: Բարեբախտաբար խնդրագիրը հարգվում է, և 1871 թ. նա դառնում է պետական թոշակառու: Սակայն երկարատև թերաֆուրիան, օրական 4—5 ժամ տևող մասնավոր դասերը հարուստ ընտանիքներում և պետերբուրգյան կլիման արդեն կատարել էին իրենց գործը: Նույն՝ 1871 թ., ստանալով թոքերի երկկողմանի բորբոքում և պլեուրա, բազմախոստում ուսանողը ստիպված ընդմիջում է իր ուսումը:

Համանման խնդրագրերով Պետերբուրգի համալսարանի ռեկտորատին էին դիմել ևս Ախալաբեցի Մարկոսյանը, Վասիլի Խուրատյանը⁶, իսկ Մոսկվայի համալսարանի ռեկտորին՝ Դավիթ Կարաբեշիջյանը⁷, Հովհաննես Տեր-Գրիգորյանը⁸, Դավիթ Արխան-

4 Д. Н. Никольский, Где живет и чем питается русское студенчество («Русский врач», 1911, № 7, с. 298—303).

5 «Մշակ», 1890, № 94.

6 Государственный исторический архив Ленинградской области (այսուհետև՝ ГИАЛО), ф. 14, оп. 3, д. 17659, л. 10.

7 Նույն տեղում, գ. 17507, թ. 11.

8 Նույն տեղում, ֆ. 14, ց. 3, գ. 16500, թ. 13, 18.

9 Նույն տեղում, թ. 21.

10 Նույն տեղում, գ. 26978, 28832, 27175.

11 Центральный Государственный исторический архив г. Москвы (այսուհետև՝ ЦГИАМ), ф. 418, оп. 515, д. 66. Характеристики студентов. л. 137.

12 Նույն տեղում, ց. 76, գ. 273, թ. 3.

դոմյանը¹³, Վարդան Հակոբյանը¹⁴, Գրիգոր Եզրիզարյանը¹⁵ և այլք։ Ազնվական ծագում ունեցող, բայց տնտեսապես քայքայվող խավերին պատկանող շատ ուսանողներ նույնպես կարիք են զգացել նյութական օժանդակության։ Այսպես օրինակ՝ պետական գաղտնի խորհրդականի որդի, Ախշարումովների նշանավոր գերդաստանից սերված Պետերբուրգի համալսարանի սան Լևոն Ախշարումովի անձնական գործում գտնում ենք «աղքատության վկայականը» և դրան կից Պետերբուրգի քաղաքագլխի գրությունը, ուր ասված էր, որ նրա «հայրը՝ նախկին զինվորական դատախազ Իվան Ախշարումովը, սեփականություն չունի և իր ստացած տարեկան 2000 ռուբլի թոշակով ստիպված է պահելու ծեր կնոջն ու երեխաներին»¹⁶։

Ցարական կառավարության ֆինանսական քաղաքականությունը լուսավորության բնագավառում և դրա ուղղակի հետևանքը՝ նյութական անապահով դրությունը, ծնում են խիստ բացասական այն երևույթը, երբ ամեն տարի ուսանողության մի հոծ զանգված թողնում էր ուսումը, Ըստ պրոֆ. Վ. Գրիգորի, Պետերբուրգի համալսարանն իր գոյության առաջին հիսնամյակում տվել է 2200 շրջանավարտ, մինչդեռ այդ նույն ժամանակամիջոցում հեռացել էին ուսումնառությունը չավարտած մոտ 1000 մարդ¹⁷, իսկ 1885 թ. համալսարանի 2246 ուսանողներից 308-ը ուսումնառությունը թողել էր մինչև ավարտելը¹⁸։ Պատկերն անմխիթար էր նաև Մոսկվայի համալսարանում, որտեղ 1857—1858 ուս. տարում ուսումնառությունը թողած ուսանողների թիվը հասնում է 183-ի։ Հնդհանուր առմամբ 1851—1858 թթ. ընթացքում համալսարանը թողել է 808 մարդ, Հատկանշական է, որ նրանց վիթխարի մեծամասնությունը՝ 762 մարդ, սովորում էին իրենց հաշվին, և միայն 46-ն էին պետական թոշակառու¹⁹։ Ռեքվիզիտները համառոտ կերպով ապացուցում են դրամական գործոնի վճարող՝ դերը ուսումնառությունը շարունակելու հարցում։ Աչքի է զարնում մի հանգամանք ես՝ 1856—1857 ուս. տարում Մոսկվայի համալսարանում սովորող բանվոր-արհեստավորական բնտանիքներից սերված 7 ուսանողներից 6-ը ստիպված հրաժեշտ են տվել համալսարանին։ Փաստն ինքնին պերճախոս է։

Ուսումնառություն կիսատ թողած ուսանողության թվի աճի միտումը շարունակվեց նաև հաջորդ տասնամյակներում։ Այսպես, օրինակ, 1900 թ. ուսանողության համալսարանները ուսման կուրսը չավարտած թողեցին 2387 մարդ, իսկ հաջորդ 6 տարիների ընթացքում այդ թիվը դրեթև եռապատկվեց, հասնելով 6514-ի²⁰։

Այդ պրոցեսը շրջանցեց նաև հայ ուսանողությանը, որի 25, ըստ պրոֆ. Ա. Արշարունու հաշվարկների, երբեմն էլ ավելի տրևում էր կարողանում ավարտել համալսարանը²¹, Այս երևույթը, բնականաբար, մեծ հարված էր հասցնում հայ մտավորականության պատրաստման գործին։

Որո՞նք էին հայ ուսանողության նյութական միջոցներն ու աղբյուրները և ի՞նչ դեր էին խաղում դրանք նրա գոյության պահպանման և ուսումնառության շարունակման գործում։ Մենք ներքև ստացվող նյութական օգնությունից բացի, հայ ուսանողների նյութական աղբյուրները պայմանականորեն կարելի է բաժանել չորս խմբի՝ 1. պետական միջոցներ, որոնց մեջ մտնում էին ժողովրդական լուսավորության մինիստրության, ուսումնական օկրուգների և համալսարանական թոշակներն ու նպաստները, 2. մասնավոր միջոցներ՝ հոգևոր և աշխարհիկ զանազան հասարակական կազմակերպությունների և մասնավոր անձանց դրամական հատկացումները և թոշակները, 3. ուսանողական կազմակերպությունների (հայրենակցական միություններ, փոխօգնության դրամակոմիտեներ և այլն) կազմակերպած թատերական ներկայացումներից, երեկույթներից

¹³ Նույն տեղում, ց. 515, գ. 64, թ. 2։

¹⁴ Նույն տեղում, թ. 3։

¹⁵ Նույն տեղում, թ. 4։

¹⁶ ГИАЛО, ф. 14, оп. 3, д. 26978, л. 14, 24.

¹⁷ В. В. Григорьев, Императорский Санкт-Петербургский университет в течение первых пятидесяти лет его существования. Историческая записка, СПб., 1870, с. 313.

¹⁸ Годичный акт императорского СПб. университета за 1885 г., с. 10.

¹⁹ Отчеты о состоянии и действиях Императорского Московского университета за 1851—1858 гг. (այսուհետև՝ Отчет за ...).

²⁰ А. Е. Иванов, Университетская политика самодержавия накануне первой русской революции 1899—1904 гг., канд. дис. М., с. 203.

²¹ Ա. Արշարունի, Մոսկվայի համալսարանը և հայ մտավորականությունը, Երևան, 1982, էջ 86։

րից և համերդներից ստացված գումարներ, 4. ուսանողների կողմնակի աշխատանքներից (մասնավոր դասեր, թարգմանություններ, արձակուրդային ամիսներին կատարվող զանազան բնույթի աշխատանքներ) ստացվող դրամական միջոցներ: Համառոտակի անդրադառնալով դրանցից յուրաքանչյուրին:

Ծարական կառավարությունը, ձգտելով համապատասխան կադրերով ապահովել զարգացող մեքենայական արտադրությունը և անընդհատ ուժեացող բյուրոկրատական ապարատը, ստիպված էր ավելացնել ինչպես բարձրագույն ուսումնական հաստատությունների, այնպես էլ ուսանողների թիվը, մի րան, որն անպայմանորեն ենթադրում էր նաև պետական ֆինանսական հատկացումների, այդ թվում նաև թոշակների ավելացում: Այս հանգամանքը ուսանողության որոշ մասին հնարավորություն տվեց սովորել նյութական փոքրիշատե բարվոք պայմաններում: Այսպես, դարի կեսերին (1850—1851 ուս. տարի) Մոսկվայի համալսարանի 821 ուսանողներից պետության հաշվին ուսանում էին 119-ը, ուսումնական զանազան հաստատությունների պանսիոներ (գիշերօթիկ) էին 29-ը, 53 մարդ սովորում էր զանազան կազմակերպությունների (ուսումնական օկրուգների, միսիստությունների և այլն) հաշվին, բարեգործական ընկերություններից թոշակներ էին ստանում 24-ը, իրենց հաշվին սովորում էին 469 մարդ կամ մոտ 57,1%-ը²²: Հաջորդ՝ 1851—1852, ուս. տարում նույն համալսարանի 861 ուսանողներից պետության հաշվին ուսանում էին 137, պանսիոներ էին 28, բարեգործական թոշակներ էին ստանում 10, իրենց հաշվին էին սովորում 602 ուսանող կամ 70%-ը²³: Հինգ տարի անց՝ 1856—1857 ուս. տարում Մոսկվայի համալսարանի 1725 ուսանողներից պետության հաշվին ուսանում էին ընդամենը 140, ուսումնական տարբեր հաստատությունների հաշվին՝ 65, բարեգործական թոշակներ էին ստանում 38 և իրենց հաշվին սովորում էին 1465 ուսանող՝ մոտ 84,8%-ը²⁴: Եվս հինգ տարի անց համալսարանի 1744 ուսանողներից պետության հաշվին էին ուսանում ընդամենը 88 մարդ, պանսիոներ էին 35-ը, և հաստատների փոխարքայությունը իր հաշվին պահում էր 54 ուսանող, մոսկովյան ուսումնական օկրուգը՝ 21, Անդրկովկասյան երկրամասը՝ 36, բարեգործական թոշակներ էին ստանում 28 մարդ, իսկ մնացած 1482-ը կամ մոտ 85,5%-ը սովորում էին իրենց հաշվին²⁵: Ինչպես տեսնում ենք, ընդամենը տաս տարվա ընթացքում, շնայած պետական թոշակառուների թվի աննշան աճին, նրանց տեսակարար կշիռը ուսանողության ընդհանուր քանակի մեջ 27,5%-ից նվազեց՝ հասնելով 15,02%-ի: Դրան համապատասխան էր այն ուսանողների թիվը, որոնք պետությունից նյութական որևէ օգնություն չէին ստանում և ապրում էին սեփական միջոցների հաշվին:

Նույնն էր պատկերը նաև Պետերբուրգի համալսարանում, որտեղ այդ ժամանակաշրջանում պետական կամ մասնավոր թոշակներ էին ստանում՝ 1863 թ.՝ 46, 1864 թ.՝ 52, 1865 թ.՝ 58, 1866 թ.՝ 134, 1867 թ.՝ 161, 1868 թ.՝ 178 ուսանողներ²⁶, 1886 թ. Ս. Պետերբուրգի համալսարանի 2280 ուսանողներից թոշակառուներ էին ընդամենը 380 մարդ կամ նրանց 16,6%-ը²⁷: Ինչպես տեսնում ենք, այստեղ էս, Մոսկվայի համալսարանի նման, թոշակառուները կազմում են ուսանողության ընդհանուր թվի աննշան մասը: Ընդհանուր առմամբ կայսերական բոլոր համալսարաններում պետական թոշակառուների թիվը 1882 էր, որից կովկասյան փոխարքայությունը բաժին էր ընկնում ընդամենը 63 թոշակ: Դրանք բաշխված էին հետևյալ կերպ. Մոսկվայի համալսարան՝ 45 թոշակ, Օդեսայի՝ 10, Խարկովի՝ 5 և Պետերբուրգի՝ 328: Բնականաբար, այդ 63 թոշակների սոսկ մի մասն էր բաժին ընկնում Հայ ուսանողությանը. 50-ական թվականների սկզբին, երբ Հայ ուսանողության թիվն աննշան էր, պետության հաշվին սովորող կամ թոշակառու ուսանողները մեծամասնություն էին կազմում: Այսպես, օրինակ՝ 1850—1851 ուս. տարում Մոսկվայի համալսարանի 14 հայ ուսանողներից 11-ը ուսանում էին պետության հաշվին կամ էլ թոշակառու էին²⁸, 1851—1852 թթ.՝ 18 ուսանողներից 11-ը³⁰, Սակայն 60-ական թվականներին, երբ Հայ ուսանողության թիվը անընդհատ աճում էր, թոշակառուների և պե-

22 Отчет за 1850—51 акад. и 1851 гражданские годы, М., 1851, с. 18.

23 Отчет за 1851-52 акад. и 1852 гражд. годы, М., 1852.

24 Отчет за 1856—1857 акад. и 1857 гражд. годы, М., 1857.

25 Отчет за 1861—62 акад. и 1862 гражд. годы, М., 1862.

26 В. В. Григорьев, *изд. акад.*, էջ 425.

27 Годичный акт императорского СПб. университета за 1886 г., с. 14.

28 «Форт», 1881, № 2, էջ 128—130.

29 Отчет за 1850—51 акад. и 1851 гражд. годы, М., 1851.

30 Отчет за 1851—1852 акад. и 1852 гражд. годы, М., 1852.

տության հաշվին սովորողների թիվը ոչ միայն չավելացավ, այլև որոշ տարիների նույնիսկ նվազեց: Այսպես, 1860—1861 ուս. տարում Մոսկվայի համալսարանի 45 հայ ուսանողներից թոշակառու և պանսիոներ էին լուկ 10-ը³¹, 1865 թ. 31 հայ ուսանողից 5-ը³², 1878—1879 ուս. տարում՝ 33 հայ ուսանողից 7-ը³³, 1884—1885 թթ.՝ 66 հայ ուսանողից 9-ը³⁴: Ընդհանուր առմամբ կովկասյան փոխարքայության 63 թոշակից 1877 թ. հայ ուսանողներին տրվել է. Մոսկվայի համալսարանում՝ 45 թոշակից 12-ը, Դոնսայի համալսարանում՝ 10-ից 1-ը, Խարկովի համալսարանում՝ 5-ից 1-ը: Պետերբուրգի համալսարանում կովկասյան ուսումնական օկրուգի 3 թոշակառուների մեջ հայ չկա: Տաս տարի անց՝ 1887 թ., Պետերբուրգի համալսարանում կովկասցի ուսանողներին հատկացվեց 6 թոշակ³⁵ 300-ական ռուբլի չափով: Ընդհանուր առմամբ այդ տարում 21 հայ ուսանող երիտասարդներից պետական թոշակներ էին ստանում 4-ը³⁶:

Հայ ուսանողության նյութական ապահովման երկրորդ աղբյուրը մասնավոր անձանց և կազմակերպությունների կատարած դրամական հատկացումներն էին, որոնք հաճախ բավական նկատելի գումար էին կազմում և կրում էին մշտական բնույթ: Այսպես, օրինակ՝ 1883 թվականից Լազարյան 5 թոշակներին ավելացավ կոմս Միքայել Տարիելովիչ Լորիս-Մելիքովի թոշակը (տարեկան 360 ռուբլի, ընդհանուր 7200 ռուբլի դրամագլխի տոկոսներից)³⁷, որը տրվում էր կովկասցի ուսանողներին: Բավական խոշոր գումարներ էին կազմում նաև հայազգի մեծահարուստների դրամական հատկացումները, որոնց մասին հաճախակի հիշատակությունների ենք հանդիպում ժամանակի պարբերականներում: Այսպես՝ 1894 թ. «Մուրճ» հանդեսը հայտնում էր, որ հունվարին վախճանված Հովակիմ Աղամյանը թողել է 20 000 ռուբլի, որից 5000 ռուբլու տոկոսներով ընկերությունը պետք է թոշակառուներ պահի Ռուսաստանի համալսարաններից մեկում³⁸: Ավելի պատկառելի էր դրիմահայ մեծահարուստ Բերբերյանի ավանդը՝ Մոսկվայի համալսարանի դրիմահայ 4 չքավոր ուսանողների տարեկան 400-ական ռուբլի թոշակ հատկացնելու մասին, միաժամանակ նրանց պարտավորեցնելով ավարտելուց հետո երկու տարի ծառայել տավրիկյան նահանգի հայ դպրոցներից մեկում³⁹:

Հայ առաջավոր մտավորականները, չբավարարվելով պարբերականներում հայ չքավոր ուսանողներին օգնելու կոչերով, իրենք ևս իրենց սահմանափակ միջոցներից օգնության ձեռք են մեկնել նրանց: Ուսանողությանը օգնելու ջերմ կոչերով հանդես են եկել Ա. Մատուրյանը⁴⁰, Մուրացանը⁴¹, Հայ չքավոր ուսանողների օգտին դրամական հատկացումներ են արել հայ վաստակաշատ արհեստագետ Ք. Պատկանյանը⁴² և այլք: Այս գործում խիստ դրական մասնակցություն է ունեցել հայ մեծանուն ֆիզիոլոգ Վ. Վարդանովը, որը, շուրջ 30 տարի լինելով Պետերբուրգի հայ եկեղեցական խորհրդի անդամ, աշխատում էր խորհրդի գումարներով մշտական օգնություն ցույց տալ կարիքավոր հայ ուսանողներին: Այդ են վկայում ժամանակակիցներին, մասնավորապես ՀԱՍՀ ժողովրդական արտիստ Վ. Միրզոյանցի գրավոր հիշողությունները, որոնցում նա վկայում է, որ ինչպես ինքը, այնպես էլ ժամանակի բազմաթիվ ուսանողներ նպաստ և օգնություն են ստացել Վ. Վարդանովի մարդասիրական վերաբերմունքի շնորհիվ և կարողացել են իրենց ուսումը շարունակել⁴³: Վ. Վարդանովն իր այդ ազնիվ ձգտման մեջ չէր կարող չհանդիպել կղերականության դիմադրությանը, որը, հաճախ ուրիշներին կոչ անելով բարեգործության, ձգտում էր, սակայն, չդիպչել իր գումարներին կամ էլ այդ «բարեգործությունը» կատարում էր այնպիսի աննշան շահերով, որը դժվար էր անվանել փոքրիշտոն ռեալ օգնություն: Այսպես, Պետերբուրգի հայկական եկեղեցին, լինելով ամենահարուստ թե-

31 Отчет за 1860—1861 акад. и 1861 гражд. годы, М., 1861.

32 Алфавитный список студентов Московского университета на 1865 г., М., 1865.

33 ЦГИАМ, ф. 14, оп. 515, д. 12.

34 Նույն տեղում, գ. 15.

35 «Փորձ», 1881, № 2, էջ 128—130.

36 ГИАЛО, ф. 14, оп. 3, л. 10428, л. 73.

37 Նույն տեղում, թ. 28.

38 «Մուրճ», 1894, № 1, էջ 164—165.

39 «Մուրճ», 1895, № 5, էջ 73.

40 «Մշակ», 1897, № 105.

41 Մուրացան, Երկերի ժողովածու, հ. 1, Երևան, 1951, էջ 9—70.

42 Годичный акт императорского СПб. университета за 1886, с. 94.

43 Ա. Ա. Լալայան, Նշանավոր հայ ֆիզիոլոգ Վ. Ի. Վարդանովը, Երևան, 1969, էջ 31.

մերից մեկը՝ և 1884 թ. ունենալով 70 000 ուրուի կապիտալ, նույն տարում օգնութիւն էր ցույց տալով ընդամենը 15 հայ ուսանողների, 20-ական ուրուի չափով⁴⁴։

Զօխտելով պետական և մասնավոր թոշակներ, դրամական նպաստների դերը հայ ուսանողութեան որոշ մասի նյութական ապահովման գործում, պետք է, սակայն, ընդգծել մի հանգամանք նա. շատ հաճախ առանց այն էլ սակավաթիվ այդ թոշակները բաժին էին հասնում նյութապէս ապահովված ուսանողներին։ Կովկասյան կոմիտեում և հայկական եկեղեցական խորհրդում թոշակների բաշխման հարցում տեղի ունեցող կամայականութիւնները բազմիցս քննադատութեան առարկա են դարձել ժամանակի հայ մամուլի և ուսանողութեան համար։ Ուշագրավ է, օրինակ, 1879 թ. «Մշակ»-ում զետեղված հոդվածը. «Ինչպես հայտնի է, Մոսկվայի համալսարանում և այլ բարձրագոյն ուսումնական հաստատութիւններում կան կովկասյան թոշակաւորներ, սակայն ափսոսանք է հարուցում այն, որ այդ թոշակաւորները հիմնականում հարուստների որդիներ են, որոնք պետական թոշակը վատնում են ցածրահարգ զվարճութիւնների՝ և թատրոնների վրա, մինչդեռ կան ոչ քիչ աղքատ ուսանողներ, որոնք ոչ միայն թոշակներ չեն ստանում, այլև ընդհանրապէս զուրկ են գոյութեան միջոցներից»⁴⁵։ Նույն թիւի կողմից քննադատվեց նաև հայ եկեղեցական խորհուրդը թոշակները ոչ ճիշտ բաշխելու համար⁴⁶։

Հայ աւանդութեան զգալի մեծամասնութիւնը ոչ մի օգնութիւն չստանալով պետութիւնից և բարեգործական կազմակերպութիւններից, հիասթափված թոշակների հարցում տիրող անարդարութիւնից, ինքն էր հոգում իր հանապազօրյա հարցը, ստեղծելով ուսանողական մի շարք կազմակերպութիւններ (փոխօգնութեան դրամարկղներ, հայրենակցական միութիւններ և այլն), որոնք իրենք էին տնօրինում կազմակերպված երեկույթներից և թատերական ներկայացումներից ստացվող հասույթները։ Այսպիսի կազմակերպութիւնների առաջնեկը դարձան 1855 թ. Մոսկվայի համալսարանի հայ ուսանողների հիմնադրած «Ուսանողական ժողով» հայրենակցական միութիւնը և փոխօգնութեան դրամարկղը⁴⁷, որոնց գոյութեան հիմնական նպատակը չքավոր ուսանողութեան նյութական օժանդակութիւնն էր։ Իրենց գոյութեան շուրջ 60 տարում այդ կազմակերպութիւնները կարևոր գեր խաղացին, այս կամ այն չափով թնկեցնելով ուսանողների նյութական դրութիւնը։ Արժանի է հատուցելով փոխօգնութեան դրամարկղի գործունեութեանը, նույն համալսարանի սան Կալաչյանցը «Մշակին» գրած նամակում այն համարում էր Մոսկվայի համալսարանի գեացող չքավոր շատ ուսանողների միակ հույսը⁴⁸։ «Ուսանողական ժողովի» նյութական բաղան հայրենի ներկայացումներից գոյացած գումարներն էին և հայ հասարակականութեան նվիրատւութիւնները, որոնք շատ հաճախ զգալի գումար էին կազմում։ Այսպէս, 1872 թ. «Մշակը» հայտնում էր. «Մոսկվայից գրում են մեզ, որ նորերումս այս քաղաքի հայ ուսանողները մի ներկայացում են տվել հօգուտ իրենց չքավոր ընկերների։ Հայոց ներկայացումից հետո տրվեց և ուսերեն ներկայացումն, որի մեջ մասնակցել են երկու օտարազգի լենհոյդ անունով օրիորդներ և հայ օրիորդ Սալոմե Ստեփանյանը։ Նամակագիրը ասում է, որ ծախսը հանած, մնաց զուտ արդյունք 463 ուրուի»⁴⁹։ 1879 թ. նույն «Մշակը» նկատելի գոհունակութեամբ իր ընթերցողներին հայտնում էր. «Մոսկվայի հայ ուսանողութիւնը հայ հասարակութեանը ներկայացրեց Սունդուկյանցի «Պեպոն» և 2 վոդեիլ, ստացված զուտ շահը 600 ու. գնաց չքավոր ուսանողներին։ Ներկայացումը ընդունվեց շատ լավ»⁵⁰։ Դարի վերջին այդ ներկայացումներից ստացվող եկամուտը ավելի զգալի է դառնում, որ վկայում է տեղի հայ համայնքի՝ դեպի ազգային մշակութեան ունեցած հետաքրքրութեան աճի և միաժամանակ ուսանողների խաղամակարդակի բարձրացման մասին։ 1895 թ. «Մուրճ» հանդեսը, օրինակ, հայտնում էր. «Մոսկվայի հայ ուսանողութիւնը տվեց մի երեկույթ, որը շատ հաջող անցավ։ Խաղացին «Մեծապատիվ մուրացկաններ»։ Մոտ 40 հոգուց բաղկացած խումբը, բոլորն էլ հայ օրիորդներ և երիտասարդներ, ուսանող Ա. Ա. Սպենդիարյանի ղեկավարութեամբ երգեցին ազգային ժողովրդական երգեր և Սպենդիարյանի «Այ վարդ լսիր, աղաչանքս երգը»։ Զուտ արդյունք 2100 ուրուի»⁵¹։ Զբաւոր ուսանողութեան օգտին կայացած 1897 թ. Մոսկվայի

⁴⁴ ГИАЛО, ф. 510, оп. 1, л. 130, л. 1—9.

⁴⁵ «Մշակ», 1879, № 40.

⁴⁶ «Մշակ», 1895, № 117.

⁴⁷ «Մշակ», 1895, № 88. Տե՛ս նաև Ա. Ա. Բ ա ղ ու յ ի, նշվ. աշխ., էջ 37.

⁴⁸ «Մշակ», 1895, № 129.

⁴⁹ «Մշակ», 1872, № 11.

⁵⁰ «Մշակ», 1879, № 9.

⁵¹ «Մուրճ», 1895, № 2, էջ 348.

խոչընդոտ ուսման առաջադիմության ճանապարհին: Այդ մտայնությունը արձագանք էր գտել «ուսանողների ինքնակենսագրականներում», որոնցում նրանք մեծ ափսոսանքով էին հիշում ամենօրյա այն 4—5 ժամը, որ իրենք ստիպված էին եղել հատկացնել մասնավոր դասերին⁵⁶:

Այսպիսով, նախասովետական շրջանի ինչպես հայ, այնպես էլ այլ ազգերին պատկանող ուսանողության բացարձակ մեծամասնությունը ապրել և սովորել է նյութական անապահով պայմաններում՝ շատանալով ոչ մի օգնություն ոչ պետությունից և ոչ էլ ազգային բարեգործ-ներին: Նրանցից շատերը զբաղվում էին կողմնակի աշխատանքներով կամ էլ, լզտնելով այդպիսին, ստիպված կիսատ էին թողնում ուսումը:

Հայ և ռուս ժողովուրդների բարեկամական կապերի հիշարժան էջերից է ռուս առաջադեմ հասարակայնության օգնությունը հայ ուսանողներին: Այդ հասարակայնությունը բազմիցս եղբայրական օգնության ձևեր է մեկնել կարիքավոր հայ ուսանողներին: 1899 թ. «Մշակը» հայ ընթերցողներին տեղեկացնում էր, թե Կիևի դրամատիկական թատրոնի դերասան Բազրովը կազմակերպել է Ղրիական-Լրաժշտական Լերեկույթ, որի ամբողջ հասույթը՝ 170 ռուբլի, նվիրարկել է հայ ուսանողներին⁵⁷:

Ապրելով և սովորելով բազմազգ ուսանողության միջավայրում հայ ուսանողությունը շատ ու շատ թելերով կապված էր ռուսական կյանքին և իրականությանը: Ունենալով ընդհանուր շահեր ու ցանկություններ, ռուսաստանյան համալսարանների բազմազգ ուսանողությունը ուսումնառության տարիների ընթացքում հասցնում է դառնալ մի միաձուլված: Շահերի ընդհանրության դրսևորումներից էին, օրինակ, ընդհանուր փոխօգնության դրամակոչները, միասնական երեկույթները և այլն: Շահերի ընդհանրության գիտակցումը հանգեցրեց նրան, որ 1899 թ. Մոսկվայի համալսարանում առաջացավ ուսանողական ընդհանուր կազմակերպություն, որը կրում էր Միութենական խորհուրդ անունը: Այն կազմակերպվեց ուսանողական լուրջ հայրենակցական միությունների ներկայացուցիչներից: Խորհուրդը քալլ առ քալլ ուժեղանում էր, դառնում հասարակական կշիռ ունեցող կազմակերպություն և դուրս էր գալիս համալսարանի ուսանողական շարժման սահմաններից: 1896 թ. Միութենական խորհուրդն արդեն հանդես էր գալիս որպես 45 ուսանողական հայրենակցական միությունների գործադիր մարմին, որի ձեռքին էր կենտրոնացված մի քանի հազար ուսանողների կազմակերպական ղեկավարման գործը:

Հայ և մյուս ազգերին պատկանող ուսանողության միջև ստեղծվում էին ընկերական, շատ դեպքերում եղբայրական փոխհարաբերություններ: Վառ օրինակ կարող է ծառայել հետևյալ փաստը: 1868 թ. տիֆլիսյան վարակվեց և մահացավ Մոսկվայի համալսարանի բժշկական ֆակուլտետի վերջին կուրսի ուսանող Յ. Նազարյանցը: Թաղման և խաղաղության ժամանակ նաղարյանցի հայրը ջերմ շնորհակալություն հայտնեց իր որդու ռուս ընկերներին, որոնք բոլոր ու գիշեր անցկացրին իր որդու անարի մոտ, ձգտելով գեթ փոքր ինչ թեթևացնել նրա ծանր դրությունը: Մամուլում հրապարակված մահախոսականում ուսանողներից մեկը գրում էր. «ուսանողներ լուսկանով, Լենշտեյնի, Ալեքսեևի, Սեչուկովի անունները երկար կմնան ուսանողների հիշողության մեջ: Չերմ նրախոսագիտությամբ եմ հիշում նաև բժիշկ Գ. Կոլեսովին, որն ամեն օր այցելում էր հիվանդին առանց որևէ դրամական հատուցման հույսի»⁵⁸: Իրենց հերթին հայ ուսանողներին խորապես հուզում էին ռուսական ներքին կյանքում տեղի ունեցող իրադարձությունները: Նրանք շատ անգամ եղբայրական օգնություն էին ցույց տալիս ոչ միայն կարիքավոր ռուս ուսանողներին, այլև, ցուցաբերելով բարձր ինտերնացիոնալիզմ, օգնում են 1892 թ. երաշխիք տալիս նահանգների սովյալներին, նրանց օգտին հրատարակելով սեփական և լրագրամանված հոգնածների ժողովածու⁵⁹: Օգնությունը մեծ չէր, սակայն նբա գոյության փաստն իսկ արդեն հայ և ռուս ժողովուրդների բարեկամության մի վառ վկայություն է:

Հանրագումարի բերելով վերևում ասվածը, կարելի է Լզրականել, որ XIX դ. II կեսին Մոսկվայի և Պետերբուրգի համալսարանները դառնում են հայ մտավորականության պատրաստման հիմնական դարբնոցներ, որոնցում սովորող հայ ուսանողության քանակը, ընայած գոյություն ունեցող խոչընդոտներին, դարավերջին կազմում է այն ժամանակվա համար պատկառելի թիվ: Միաժամանակ ակնհայտ է, որ ցարական կառավարության՝ ժողովրդական լուսավորության բնագավառում վարած ընդգծված դասային ֆինանսական քաղաքականությունը

⁵⁶ ЦГИАМ, ф. 418, оп. 76, д. 373, л. 4.

⁵⁷ «Մշակ», 1899, № 202.

⁵⁸ «Հայաստան աշխարհ», 1863, № 2—3, էջ 110.

⁵⁹ «Մշակ», 1892, № 26.

խոչընդոտ է հանդիսացել ժողովրդական լայն խավերի ծոցից ելած հարյուրավոր, այդ թվում նաև հայ երիտասարդների համար համալսարանական կրթություն ստանալու ճանապարհին: Ուսանողության մի սովոր մասի նյութական անապահով վիճակը ծնել է նաև մեկ այլ քաղաքական երևույթ՝ նրանց մի զգալի մասը կիսատ է թողել ուսումնառությունը:

МАТЕРИАЛЬНОЕ ПОЛОЖЕНИЕ И СРЕДСТВА АРМЯНСКИХ СТУДЕНТОВ В МОСКОВСКОМ И ПЕТЕРБУРГСКОМ УНИВЕРСИТЕТАХ (вторая половина XIX в.)

Б. Б. МАНУКЯН

Резюме

Архивные документы и данные опубликованной литературы показывают, что начиная с 50-ых годов XIX в. численность студентов армян в Московском и Петербургском университетах неуклонно росла. Этот процесс являлся результатом присоединения Восточной Армении к России и обуславливался позитивными сдвигами в социально-экономической жизни армянского народа после присоединения. Численность студентов армян в российских университетах могла быть значительно выше, если бы классовая политика царизма в области народного образования, а также материальная не-обеспеченность значительной части армянских студентов не препятствовали бы этому процессу.

Материальные источники армянских студентов, кроме материальной поддержки со стороны родителей, условно можно подразделить на четыре группы: 1. государственные стипендии и пособия; 2. финансовая помощь, оказанная различными армянскими общественными организациями; 3. сумма, получаемая от различных мероприятий; 4. денежные средства, которые студенты зарабатывали, давая частичные уроки, и во время каникул.